



TLANAUATILI TLEN NOCHI RELIGIONES MONEKI MA KINELTOKAKAJ KEMA MOSENTILISEJ UAN TLAUEYICHIUASEJ

Yankuik tlanauatili tlen neski ipan Diario Oficial de la Federación, ipan tonali 15 tlen mestli Julio, xiuitl 1992

NI TLANAUATILI KIPIA IPATI IPAN NI TONALI

Kipatlakej uan neski ipan DOF 24-04-2006

Uejkapa ipan ni amatl nesi se escudo kampa kiijtoua Estados Unidos Mexicanos.-
Presidencia de la República.

CARLOS SALINAS DE GORTARI, Tlanauatijketl tlen México altepetl kej kiijtoua Constitución, kiniljuia nochi maseualmej tlen itstokej México altepetl ma kimatikaj:

Congreso de la Unión nechmaktilik ni

TLANAUATILI

“YA NI TLANAUATIA CONGRESO DE MÉXICO:

TLANAUATILI TLEN NOCHI RELIGIONES MONEKI MA KINELTOKAKAJ KEMA MOSENTILISEJ UAN TLAUEYICHIUASEJ

TITULO 1

NIKAJ IJKUILIJTOK TLANAUATILI TLEN NOCHI RELIGIONES MONEKI MA KIMATIKAJ UAN MA KICHIUAKAJ

TLANAUATILI 1º.- Ni tlanauatili kiijtoua nochi religiones uan tekichuanij amo tekitij sansejko. Nojka kiijtoua nochi maseualmej uelis kipiasej se ininreligiún tlen kinekisej. Ni tlanauatili techpaleuia ma tijmatikaj tlen kiijtoua Constitución Política de los Estados Unidos Mexicanos tlen religiones kema mosentiliaj uan tlaueyichiuaj. Tlen kiijtoua ni tlanauatili moneki ma kichiuakaj nochi maseualmej tlen itstokej México altepetl.

Nochi, maske amo sanse ininreligiún kinamiki ma kitlepanitakaj uan ma kineltokakaj ni tlanauatili tlen teyakana ipan nochi México. Nochi moneki kineltokasej tlen ijkuilijtok ipan ni tlanauatili. Maske itstos ipan katli ueli religiún.

TLANAUATILI 2º.- Tekichuanij tlen México altepetl kiijtouaj nochi maseualmej kinkauasej ma kichiuakaj ni tlamantli tlen ijkuilijtok nikaj:

2.1 Kitlapejpenis se religi3n o kineltokas tlen ya kinekis, uan tlaueyichiuas iselti o ininuaya sekinok.

2.2 Tlaj amo kineki, amo moneki kiplias se ireligi3n, yon mosentilis ininuaya sekinok tlen kipliaj se ininreligi3n.

2.3 Amo aka uelis tlemach kichiuilisej yon kipinajtisej pampa kipia seyok religi3n. Amo uelis kichiualtisej ma kiiyto tlamantli tlen ireligi3n uan tlen kineltoka.

Amo kitsakuilisej ma kichiuu tlen ya momajtok kichiuu ipan inemilis o ma amo kipia se tekitl pampa itstok ipan seyok religi3n. Ni ueliskia panos tlaj ni o seyok tlanauatili kiiytoskia nopa.

2.4 Amo aka uelis kichiualtisej ma kichiuu se tekitl, ma temaka tomij o ma temaka seyok tlamantli tlen ika tlaxtlauasej tlen kitekiuiaj kampa mosentiliaj o pampa amo kinekij ma poliui ininreligi3n. Amo aka uelis kichiualtisej yas kampa mosentiliaj uan tlaueyichiuaj o ipan se iljuiti tlen kichiuaj ipan se religi3n.

2.5 Se tekichijketl amo uelis kichiualtis se akajya ma kichiuu se tlamantli o kitlatsakuiltis pampa kipia seyok religi3n o pampa kiniljuia sekinok tlen kineltoka.

2.6 Uelis mosentilisej ika kuali uan ika tlayolseuilstli ininuaya sekinok maseualmej uan kej nopa tlaueyichiuasej o tekitisej ipan ininreligi3n.

TLANAUATILI 30.- Tekichiuani3 m3xicoeuani3, amo kipliaj ininreligi3n. Ni tekichiuani3 kinkauaj maseualmej ma tlaueyichiuakaj ininselti o ika sekinok, san kintlachiliaj tlaj kitlepanitaj tlanauatili, tlaj kuali monejnemiltiaj iniixpa maseualmej uan tlaj kintlepanitaj sekinok. Tekichiuani3 amo kinpaleuiaj uan yon amo kintlaijyoiultiaj tlen itstokej ipan se religi3n uan amo kiniljuiaj maseualmej ma mokalakikaj o ma kintlaijyoiultikaj katli itstokej ipan se religi3n.

Ipan nopa amatl tlen tekichiuani3 kinmakaj maseualmej, kej credencial de elector o pasaporte, moneki amo nesis tlake religi3n kipliaj.

TLANAUATILI 40.- San tekichiuani3 uelis kiiytosej tlaj se akajya nelia itstok iselti, mosiuajtijtok o monamiktijtok, uan moneki kichiuasej nochi ni kej kiiytoua tlanauatili uan nochi ni uelis mochiuas kej kiiytoua tlanauatili.

Kema se maseuali kiiytoua amo istlakatis uan kichiuas tlen kiiytoua tlanauatili uan teipa amo kichiuas, uajka uelis kitlatsakuiltisej kej kiiytoua ni tlanauatili.

TLANAUATILI 50.- Tlaj kisenkauasej se amatl o tlaj kiixpanos tlen kiiytoua ni tlanauatili, amo tleno ipati elis iniixpa tekichiuani3.

TÍTULO 2 TLEN RELIGIONES

TLAXELOLI 1 Kenijkatsa mochiuaj religiones uan kenijkatsa tekitij

TLANAUATILI 6º.- Tekichuanij kinkauasej ma tekitikaj religiones san tlaj kipiaj se amatl tlen kinmakatokej kampa kinextia moamaijkuilojtokej ipan Secretaría de Gobernación. Moneki moamaijkuilosej kej kiijtoua ni tlanauatili.

Nochi religiones kipiasej inintlanauatiljuaj tlen ika uelis moyakanasej. Ni moneki kikixtisej ipan tlen kineltokaj uan ipan tlen tlamachtiaj. Inijuantij kintlapejpenisej ajkia kinyakanas kema yasej iniixpa tekichuanij, uan nojkia ajkia kinyakanas kampa ueli kampa mosentilisej. Uelis mosentilisej kej inijuantij kuali kiitasej. Tekichuanij kinkauasej ma itstokaj, ma tekitikaj kej kiijtoua ni tlanauatili. Nochi religiones nojkia kuali kintekimakasej maseualmej kej tlayanananij o kiniljuisej tlake tekitl kichiuasej ipan ininreligión, uan kej nopa kuali kichiuasej tlen moiljujtokej kichiuasej kej se religión.

Ipan nochi religiones uelis kichiuasej tlen ni tlanauatili kinkaua ma kichiuakaj uan moneki ma kineltokakaj.

TLANAUATILI 7º.- Maseualmej tlen kinekij kiamatlalisej se religión, moneki uelisej kinextisej ni:

1. Ipan ni religión kichiuaj uan tlamachtiaj tlen kineltokaj.
2. Tekititokej kej se religión ipan México altepetl se makuili xiuitl, uan maseualmej kimatij onka nopa religión, kinixmatij, uan kimatij miakej itstokej ipan nopa religión. Nojkia ipan ni religión moneki kipiasej se kali ipan México altepetl kampa uelis kinpantisej.
3. Kipiaj nochi tlen moneki tlen ika tekitisej kej se religión.
4. Kipiaj inintlanauatiljuaj kej kiijtoua párrafo ome ipan tlanauatili 6º.
5. Kichijtokej nochi tlen kiijtoua Constitución, ipan tlanauatili 27, fracciones I uan II.

Ipan **Diario Oficial de la Federación**, moneki nesis ijkuilijtos se kentsi tlen kiijtoua nopa amatl kampa tlajtlanj ma kiamaijkuilokaj se religión kej kiijtoua ipan ni tlanauatili.

TLANAUATILI 8º.- Nochi religiones moneki:

1. Nochipa kineltokasej nopa Constitución, nojkia kineltokasej nochi tlanauatili tlen kikixtijtokej ipan Constitución. Nojkia moneki kintlepanitasej tlanauatianij tlen tekichiuaj ipan México altepetl.

Tlajtoli tlen kipatlakej DOF 24-04-2006

2. Amo kinekisej tomintlanisej.

Tlajtoli tlen kipatlakej DOF 24-04-2006

3. Nochipa kitlepanitasej tlen kineltokaj sekinok religiones uan kichiuasej kampeka itstosej ika tlayolseuilistli, uan nochi motlepanitasej.

Tlajtoli tlen kipatlakej DOF 24-04-2006

TLANAUATILI 9º.- Nochi religiones uelis kichiuasej tlen kiijtoua ni tlanauatili:

1. Kipiasej se inintoka tlen san inijuantij ininaxka.

2. Uelis kiitasej kenijkatsa kuali tekitisej uan kitlalisej inintlanauatiljuaj tlen kinyakanas katli itstokej ipan nopa religión, nojkia moneki kintlapejpenisej uan kinmachtisej tlen tlayakanasej o tlen tekitisej nopaya.

3. Uelis mosentilisej kampa ueli uan uelis tematiltisej tlen kineltokaj, tlaj amo kiixpanoj ni tlanauatili uan sekinok tlanauatili tlen kinyakanaj religiones.

4. Uelis kintlajtlanisej tlanauatianij ma kinmakakaj se amatl tlen kinkauas ma tekitikaj kej se religión uan tlaj nochi tlen kichiuaj kuali kiitaj tekichiuani uan amo kichiuaj pampa san ika kinekij tomintlanisej.

5. Uelis tekitisej ininselti o ika sekinok, uelis kichiuasej o kinpaleuisej escuelas, hospitales tlen amo iaxka México altepetl, uelis kichiuasej tlaj amo kichiuaj pampa kinekij ika tomintlanisej, uan moneki ma kitlepanitakaj tlen nikaj ijkuilijtok uan sekinok tlanauatili.

6. Uelis kitekiuisej se kali o tlamantli tlen iaxka México altepetl uan nopaya moneki san tlaueyichiuasej uan moneki kitlepanitasej nochi tlanauatili kampa nojkia kiijtoua ni.

7. Uelis kitekiuisej uan kichiuasej nochi tlen kinkaua ma kichiuakaj ni uan sekinok tlanauatili.

TLANAUATILI 10º.- Tlaj se maseuali o se keskij momajtokej mosentiliaj pampa tlaueyichiuaj o kichiuaj tlamantli tlen kiijtoua ni tlanauatili, uan amo moamaijkuilojtokej iniixpa tekichiuani kej se religión kej kiijtoua ipan tlanauatili 6º, uajka ni maseuali o maseualmej nojkia moneki kineltokasej tlen kiijtoua ni tlanauatili, san amo uelisej kichiuasej tlen kiijtoua tlanauatili 9º tlen eltok ipan ni tlanauatili, ipan tlaixeloli 4, 5, 6 uan 7, uan nojkia tlen kiijtoua ipan sekinok tlanauatili.

Tlaj se religión kinpia tekitinij, moneki kichiuasej kej kiijtoua tlanauatili tlen kinyakana nochi tekitinij.

TLAXELOLI 2

Maseualmej katli itstokej ipan se religión uan tlen tlayakanaj iniixpa tekichiuani

TLANAUATILI 11º.- Ni tlanauatili kiijtoua, itstokej ipan se religión maseualmej tlen kiaxitijtokej 18 xiuitl uan kinixmatij itstokej ipan nopa religión pampa kichijtokej nochi tlen kintlajtlaniaj ipan nopa religión.

Nochi tlayakanani ipan religiones, moneki elisej méxicoeuanij uan moneki kiaxitijtosej 18 xiuitl. Moneki kinextisej iniixpa tlanauatianij ika ininama ni tlamantli.

TLANAUATILI 12º.- Ipan ni tlanauatili kiijtoua, maseualmej kinitaj kej tlayakanani ipan se religión tlaj kiaxitijtokej 18 xiuitl uan tlaj ipan nopa religión kintokaxtlalijtokej kej tlayakanani. Nochi religiones moneki tematiltisej kampa Secretaría de Gobernación kema se akajya kitlaliaj kej tlayakanketl. Tlaj se religión, amo tematiltia kampa Secretaría de Gobernación ajkia inijuantij

tlayakanaj, uajka ipan Secretaría de Gobernación, kiitasej kej inintlayakanka ipan nopa religión katli tlayankatinemij, tlaamasenkajtinemij iniixpa tlanauatianij o kiniljuiaj kenijkatsa tikitisej.

TLANAUATILI 13º.- Katli euaj México uelis tekitisej kej tlayakananij ipan katli ueli religión. Nojkia katli euaj ipan seyok ueyi altepetl uelis tekitisej kej tlayakananij, san moneki kinextisej ika ininama iniixpa tekichuanij asikoj México altepetl kej kiijtoua tlanauatili, mochantijtokej México kej kiijtoua tlanauatili, uan tekichuanij kena kinkajtokej ma tekitikaj kej tlayakananij ipan se religión. Ni moneki kichiuasej kej kiijtoua Ley General de Población.

TLANAUATILI 14º.- Méxicoeuanij tlen tlayakanaj ipan katli ueli religión, nojkia kuali kintlapejpenisej inintlanauatijka kej kiijtoua tlanauatili kema motekipatlaj tlanauatianij. Uan inijuantij amo uelis nojkia kintlapejpenisej uan kiampa ma tekichiuakaj. Nojkia amo uelisej kipiasej se ueyi tekitl kampa tekichuanij. Kena uelis kichiuasej san tlaj kikauasej ininteki kej tlayakananij ipan ininreligión. Tlaj se tlayakanketl ipan se religión kineki motekitlalis uan kinekis ma kitlapejpenikaj kej tlanauatijketl, moneki ya kikajtos iteki kej tlayakanketl makuili xiuitl. Uan tlaj kineki kiplas se ueyi tekitl kampa tekichuanij, moneki kikajtos iteki eyi xiuitl kema motekitlalis. Tlaj kitekimakaj ika se tekitl tlen amo ueyi kampa tekichuanij, san moneki kikajtos iteki chikuasej mestli kema peuas tekitis.

Nochi tlen tlayakanaj ipan se religión, tekichuanij amo kinkauaj ma mokalakikaj ipan política, yon inijuantij amo uelis kiniljuisej sekinok maseualmej ma kipaleuikaj o ma amo kipaleuikaj se maseuali tlen kineki motekitlalis. Nojkia amo uelis kipaleuisej se partido político.

Tlaj se akajya kikauas iteki kej tlayakanketl, ya o katli itstokej ipan ireligión moneki kinmatiltisej tekichuanij. San kiplas 30 tonali kema uelis kinmatiltisej ipan Secretaría de Gobernación. Tlaj se maseuali kikauas iteki kej se tlayakanketl moneki kiplas se amatl o se sello kampa kinextis ayokmo kineki tlayakanas ipan ireligión, uan seyok tlayakanketl tlen ireligión moneki kiselis ni amatl.

Ipan ni tlanauatili kiijtoua se maseuali kikaua iteki kej se tlayakanketl, ipan nopa tonali kema tematiltia ipan Secretaría de Gobernación.

TLANAUATILI 15º.- Yon se tlayakanketl, yon iueyitatauj, yon itatauj, yon ikoneuj, yon iikniuaj, yon inamik o isia, yon ireligión kampa itstok, amo ueliskia kiselisej se tlamantli tlen kiijkuiuloskij ipan se testamento katli kipaleuyayaj ipan ininreligión o kiyakanayayaj. Ni kena ueliskia mochiuas tlaj nopa testamento kichiuaskij tlayakanketl itatajuaj, ikoneuj, iikniuaj o imachikniuaj tlen ni maseuali katli kiselis ni tlamantli. Uan ni tlanauatili moneki mochiuas kej kiijtoua tlanauatili 1325 ipan Código Civil para el Distrito Federal en Materia Común uan tlen kiijtoua tlanauatili tlen nochi México en Materia Federal.

TLAXELOLI 3

Tlamantli tlen kiplas nochi religiones

TLANAUATILI 16º.- Religiones tlen moamaijkuioltokej iniixpa tekichuanij kej kiijtoua ni tlanauatili, uelisej kipiasej tlamantli tlen kinpaleuis kichiuasej tlen kinekij ipan ininreligión. Nochi tlamantli tlen religiones kipiasej, san ma kiplakaj tlen moneki kitekiuisej.

Tekichiuanij amo kinkauaj religiones yon tlen tlayakanaj ma kipiakaj estaciones de radio, televisión o seyok tlamantli ika tlen uelis tematiltisej tlen kineltokaj. Nojka tekichiuanij amo kinkauaj ma kintekiukaj sekinok maseualmej ma kichiuakaj ni tekittl tlaj inijuantij amo kinkauaj. Religiones uan tlen tlayakanaj o tlamachtiaj, amo uelisej kipiasej yon kitekiuisej katli ueli tlamantli tlen ika tematiltisej tlen kineltokaj yon kintekiusej sekinok maseualmej ma kichiuakaj ni tekittl tlaj inijuantij amo kinkauaj. Tekichiuanij kena kinkauaj religiones uan inintlayakankauaj ma kichiuakaj amochtli o pilamochtsitsij.

Religiones tlen ayokmo tekitisej kej se religión, uelis kinmakasej nochi tlamantli o tlen iniaxka sekinok religiones kej tlanauatili kiijtoua. Tlaj se religión ayokmo tekitis uan ixpoliuis pampa tekichiuanij kiampa kinnauatijkej kej kiijtoua tlanauatili 32 tlen ni tlanauatili, uajka tekichiuanij kikuissej nochi tlamantli tlen ipan nopa religión kikauasej uan nochi ni kitekiuisej ika kinpaleuisej sekinok maseualmej tlen amo tleno kipiaj. Nojka tlaj kipixtoyaj tlamantli tlen iaxka México altepetl tlen tekichiuanij kinkajkej ma kitekiukaj ipan ni religión, uajka nochi ni tlamantli sampa moaxkatis México altepetl kema ni religión poliuis.

TLANAUATILI 17º.- Katli tekitij ipan Secretaría de Gobernación kiijtosej tlaj ipan se religión uelis kikouasej o amo se tlamantli kej se kali o se tlali. Katli tekitij ipan Secretaría de Gobernación kinmakasej se amatl tlen itoka declaratoria de procedencia kampa kiijtoua kena kinkauaj ma kipiakaj se tlamantli kema:

1. Kema kinekisej kikouasej o kipiasej se tlali o se kali.
2. Kema se religión kiselis tlen ueli tlamantli.
3. Kema se religión kitekiuis o kimokuitlouis tlamantli tlen amo iaxka.
4. Kema kimokuitlouis se tlamantli tlen sekinok ininaxka uan amo México altepetl iaxka, kej hospitales o escuelas kampa katli titstokej ipan se religión tlapaleuiaj, uelis ininselti o ika sekinok maseualmej.

Kema se akajya tlajtlanis ipan Secretaría de Gobernación ma kikauakaj ireligión ma kipia se tlamantli, ipan Secretaría de Gobernación san kipiaj 45 tonali uan kej nopa kinkauasej. Tlaj amo ijkinok kichiuasej, uajka katli tlajtlanki uelis moiljuis kena kikajkej ma kipia nopa tlamantli tlen kineki.

Tlaj ya panotos 45 tonali, uan ipan Secretaría de Gobernación amo tlanankilijitosej kej kiijtoua tlen ijkuilijtok uejkapa, uajka katli tlajtlanito moneki kimakasej se amatl kampa kiijtoua ya panotok 45 tonali. Ni amatl uelis kimakasej tlaj nopa maseuali tlajtlanis.

Religiones moneki tematiltisej ipan Secretaría de Gobernación nochi tlamantli tlen kipiaj, kej nopa kiamaijkuilosej nochi tlen kipiaj. Uan religiones nojka moneki kichiuasej sekinok tlamantli tlen kintlajtlanisej ma kichiuakaj.

TLANAUATILI 18º.- Katli tekichiuanij kintekimakatokej ma kiitakaj tlaj kinkauasej ipan se religión kipiasej se tlamantli, moneki kintlajtlanisej se amatl tlen itoka declaratoria de prodencia,

o nopa amatl katli nesi nikaj ipan tlanauatli 17. Ipan ni amatl kiijtoua tlanauatianij kena kinkaua ma kipiakaj se tlamantli.

Maseualmej tlen tlanauatianij kinkajtok ma tlayakanakaj, moneki tematiltisej ipan Registro Público de la Propiedad kenijkatsa kitekiuisej tlen kinekiyayaj kipiasej religiones. Kiampa tekichiuaniy tlen Registro Público kiamaijkuilosej nochi ni tlamantli.

TLANAUATILI 19º.- Kej kiijtoua ipan tlanauatili tlen impuestos, katli tekij ininselti uan katli tekij ininuaya sekinok moneki tlahtlauasej impuestos uan religiones nojkia tlahtlauasej tlen nopa tlamantli katli kipixtokej.

TLANAUATILI 20º.- Ipan religiones kintlalisej ajkia inijuantij kimokuitlauisej kali kampa mosentiliaj uan sekinok tlamantli katli kipiaj, kej se monumento arqueológico, artístico o histórico tlen México iaxka. Teipa tematiltisej ipan Secretaría de Desarrollo Social uan Consejo Nacional para la Cultura y las Artes. Katli itstokej ipan religiones moneki kimaljuisej nochi tlen kipiaj uan kichiuasej kej kiijtoua tlanauatili.

Nochi tlen iaxka México uan kenijkatsa kitekiuisej religiones kema tekichiuaniy kinkauasej ma kitekiuikaj, moneki kichiuasej kej kiijtoua ni tlanauatili uan kej tlanauatia Ley General de Bienes Nacionales uan Ley Federal sobre Monumentos y Zonas Arqueológicas, Artísticos e Históricos, uan nojkia katli kiijtoua sekinok tlanauatili tlen ni tlamantli.

TITULO 3 KEMA MOSENTILIAJ UAN TLAUEYICHIAJ KAMPA UELI

TLANAUATILI 21º.- Kema religiones kinekij mosentilisej uan tlaueyichiuasej, moneki kichiuasej kampa momajtokej mosentiliaj. Kemantika uelis mosentilisej ipan seyok kali, san moneki kichiuasej kej kiijtoua tlanauatili uan sekinok tlanauatili kampa nojkia kiijtoua ni.

Kemantika religiones uelisej kitekiuisej radio uan televisión ika tlen kinmatiltisej sekinok tlen kichiuaj, kiampa maseualmej uelisej kiitasej tlen kichiuaj kema mosentiliaj, tlaueyichiuaj o iljuichiuaj. Quali kichiuasej ni, tlaj ipan Secretaría de Gobernación kinkauaj ma kichiuakaj. Ipan religiones amo uelisej kitekiuisej radio o televisión kema tekichiuaniy kitekiuisej.

Kema se religión kipanoltia ipan televisión o radio tlen kichiuaj: tlen iaxka ni televisora o estación de radio, tlen kisenkauaj o tlen temakaj tomij uan kej nopa ma mochiua ni tekiltl, inijuantij uan religiones moneki kichiuasej kej kiijtoua tlanauatili tlen kinyakana religiones kema mosentiliaj ipan seyok kali kampa amo momajtokej kichiuaj uan kema san kemantika kichiuaj.

Kampa mosentiliaj uan tlaueyichiuaj amo uelis mosentilisej uan moiljuisej tlen política.

TLANAUATILI 22º.- Nochipa kema religiones kinekisej mosentilisej uan tlaueyichiuasej ipan seyok kali kampa amo momajtokej mosentiliaj, moneki kinmatiltisej tekichiuaniy tlen itstokej ipan nopa pilaltepetsi o ueyi altepetl kampa mosentilisej, moneki kiniljuisej ni: tlake tonali kichiuasej, tlake kali kitekiuisej, tlake hora mosentilisej, uan kenke mosentilisej. Religiones moneki tematiltisej kema poliuis se 15 tonali.

Tekichuanij uelis amo kinkauasej religiones ma mosentilikaj maske tematiltjokej tlen kichiuasej. Nopa tekichuanij moneki kiniljuisej kenke amo kinkauaj ma mosentilikaj pampa inijuantij kinekij ma amo tleno kinpano maseualmej uan ma kuali monejnemiltikaj. Nojkia kinekij kinitasej ma itstokaj ika tlayolseuilstli ika nochi maseualmej ipan nopa altepetl o ueyi altepetl kampa mosentiliaj uan ma monejnemiltikaj kej kiijtoua tlanauatili, uan nojkia ma kitlepanitakaj tlen sekinok kinekij kichiuasej.

TLANAUATILI 23º.- Katli itstokej ipan religiones amo moneki kinmatiltisej tekichuanij kema kichiuasej ni:

1. Kema mosentilisej uan tlaueyichiuasej kampa ipa.
2. Kema mosentilisej sekinok ininchaj kampa tlaueyichiuasej.
3. Kema mosentilisej ipan se kali kampa tsaktok uan amo nochi ueliskiaj kalakisej.

TLANAUATILI 24.- Kema se akajya peuas kitekiuis se kali kampa mosentilisej uan tlaueyichiuasej, moneki tematiltis ipan Secretaría de Gobernación kema ya panotos 30 tonali ika pejkej kitekiuiaj nopa kali, uan moneki tematiltis kema tekichuanij kena tekitij. Moneki kichiuas ino, uan nojkia nochi tlamantli tlen kiijtoua tlanauatili ma kichiuakaj kampa mosentiliaj nochi religiones.

TÍTULO 4 KAMPA KIIJTOUA TLEN KICHIUASEJ KATLI KIIPIAJ TLANAUATILI

TLANAUATILI 25.- Poder Ejecutivo Federal kitekiuis Secretaría de Gobernación ma kiita tlaj nochi religiones kichiuaj tlen kiijtoua ni tlanauatili. Katli tekichiuaj ipan estados, ipan municipios uan ipan Distrito Federal, kipaleusej Gobierno Federal ma nochi religiones kichiuakaj tlen kiijtoua tlanauatili.

Tlen kipiaj tlanauatili ipan nochi México, ipan estados uan ipan municipios amo mokalakisej ipan tlen religiones kichiuaj.

Tlen kipiaj tlanauatili ipan nochi México, ipan estados o ipan municipios, amo uelis yasej kampa mosentiliaj ipan se religión uan kiijtosej kintitlantokej tlanauatianij. Tlaj moneki kisenkauasej se tlamantli ika tekichuanij tlen amo euaj México, ni tekichuanij san kichiuasej ininteki kej kiijtoua tlanauatili.

TLANAUATILI 26.- Ipan Secretaría de Gobernación kiamaijkuilojtisej nochipa tlake religiones onka ipan México altepetl uan tlake tlamantli kipiaj kej se kali o se tlali.

TLANAUATILI 27.- Secretería de Gobernación uelis tekitis sansejko ika tekichuanij tlen itstokej ipan sejse estado uan kej nopa kichiuas ma kineltokakaj tlen kiijtoua ni tlanauatili.

Tekichuanij tlen itstokej ipan sejse estado uan ipan sejse municipio, kiselisej nochi amatl kampa religiones tematiltiaj mosentilisej ipan seyok kali kampa amo ipa kichiuaj, uan kichiuasej

kej kiijtoua ni tlanauatili. Tekichuanij tlen istokej ipan sejse estado uan ipan sejse municipio, nojkia moneki kinmatiltisej ipan Secretaría de Gobernación kenijkatsa kichijtokej ma kineltokakaj tlen kiijtoua nochi tlanauatili uan nojkia tematiltisej tlake kichiuaj ika nopa tekittl tlen kinmakatok Secretaría de Gobernación.

TLANAUATILI 28.- Katli tekitij ipan Secretaría de Gobernación kinnamiki kisenkauasej kualantli tlen uelis kipiasej ipan religiones. Tlaj tlen istokej ipan se religión kipiasej kualantli ika tlen istokej ipan seyok religión moneki mochiuas ni:

1. Tlaj katli istokej ipan se religión moiljuiaj tlen istokej ipan seyok religión kinchiuilij tlamantli katli kiixpano tlen kiijtoua tlanauatili, uajka moneki kintlateljuisej kampa Secretaría de Gobernación.

2. Katli tekitij ipan Secretaría de Gobernación kiitasej kenke katli istokej ipan se religión motlateljuiaj uan tlatitlanisej ma kinnotsakaj katli istokej ipan nopa seyok religión uan ma kiijtokaj kenke kinchiuilij nopa tlamantli. Uan nopa religión tlen kintlateljuiaj kipiaj matlaktli tonali kema tlanakilisej kampa Secretaría de Gobernación, uan moneki kichiuas kema kena tekitij tekichuanij, uan ni matlaktli tonali peuas mopouas kema kimatiltisej. Uan kinnotsasej ni ome religiones ma mosentilikaj uan ma kisenkauakaj ni kualantli iniixpa katli tekitij ipan Secretaría de Gobernación. Moneki nima mosentilisej uan moneki amo kikauasej ma pano 30 tonali kema motlateljuijkej.

3. Kema mosentilisej, katli tekitij ipan Secretaría de Gobernación kiniljuisej katli istokej ipan nopa religiones tlen kipixkej ni kualantli, ma kichiuakaj kampeka kisenkauasej. Tlaj amo kichiuasej, kiniljuisej ma kinkauakaj katli istokej ipan Secretaría de Gobernación ma kinpaleuikaj kisenkauasej nopa kualantli.

4. Tlaj ni ome religiones tlen kipixtokej ni kualantli kikajkej ma kinpaleui Secretaría de Gobernación ma kisenkauakaj ni kualantli, uajka nochi mochiuas kej ipan Secretaría de Gobernación kiniljuisej ni religiones tlen mokualanijtokej. Tlaj amo mochiua ijkin, uajka ni ome religiones uelis yasej iniixpa tekichuanij uan tekichuanij kichiuasej ma motlepanitakaj uan ma kichiuakaj tlen kinkaua tlanauatili. Ni moneki mochiuas kej kiijtoua Constitución Política de los Estados Unidos Mexicanos, tlanauatili 104, fracción 1, apartado A.

Katli istokej ipan religiones uelis yasej iniixpa tekichuanij uan kisenkauasej kualantli, amo moneki kichiuasej achtoui tlen kiijtoua tlanauatili 28 uan teipa yasej iniixpa tekichuanij. Uelis kichiuasej tlaj kinekij, maske amo kichijtokej nochi tlen kiijtoua tlanauatili 28.

TÍTULO 5
KEMA AMO KINELTOKAJ NI TLANAUATILI, TLEN KINCHIUILISEJ KATLI AMO
TLANELTOKAJ UAN KEMA KATLI KIIXPANOK TLANAUATILI TLAJTALAJNI MA
MOYANKUILI TLEN IKA KIIJTOJKEJ KITLATSAKULTISEJ

TLAXELOLI 1

Kema amo kineltokaj ni tlanauatili uan tlen kinchiuilisej katli amo tlaneltokaj

TLANAUATILI 29.- Maseualmej kiixpanosej tlanauatili tlaj kichiuasej ni tlamantli:

1. Tlaj mosentilisej uan kichiuasej tlen políticos kichiuaj, tlaj kiijtosej katli kuali o amo kuali tlen se akajya katli kineki ma kitekitlalikaj. Tlaj kiijtosej katli kuali o amo kuali tlen maseualmej katli mokalakijtokej ipan política.
2. Tlaj amo kitlepanitasej Himno Nacional, Bandera o Escudo, o tlaj ika tlen kichiuasej, kichiuas ma sekinok amo kitlepanitakaj.
3. Tlaj kintekiuij katli itstokej ipan ininreligión o kintekiuij sekinok maseualmej uan kiampa tlapijpiasej o ma kinkauakaj kichiuasej se tlamantli tlen amo nelmoneki tlen ika kichiuasej ininteki ipan ininreligión.
4. Tlaj kiniljuiaj sekinok maseualmej ma kichiuakaj tlamantli tlen ika uelis ayokmo kuali itstosej o kipiasej se kokolistli.
5. Tlaj kinchiualtiaj ma kichiuakaj se tlenijki tlen kinchiuiliskia tlen amo kuali ipan inintlalnamikilis uan ipan inintlaneltokilis uan ma kichiuakaj san tlen ipan ininreligión kinekij.
6. Tlaj kiijtouaj inijuantij se religión uan tekitij kej se religión, uan amo kipiaj se amatl tlen kinmakatokej tlanauatianij kampa nesi kena se religión.
7. Tlaj tlen kipiaj religiones kitekiuiaj tlen ika kichiuaj sekinok tlamantli uan amo tlen kiijtojkej ipan amatl katli itoka declaratoria de procedencia.
8. Tlaj kitemoliaj tlapijpiasej uan kichiuaj sekinok tlamantli tlen amo kinextia tlaj nelia tekitij kej se religión.
9. Tlaj kiijtouaj tlamantli tlen política kema mosentiliaj uan tlaueyichiuaj.
10. Tlaj kiijixnamikisej tlanauatili tlen onka México uan kinijixnamikisej tekichiuani kema monechikosej.
11. Tlaj kichiuaj o kinkauaj sekinok ma kichiuakaj tlamantli tlen uelis kinenpolos tlamantli tlen kitekiuiaj religiones, uan tlen iaxka México. Nojkia tlaj amo kichiuaj tlen moneki ika tlen kimokuitlauisej tlen iaxka México.
12. Sekinok tlamantli tlen kiijtoua nikaj uan ipan sekinok tlanauatili.

TLANAUATILI 30.- Kema kitlatsakuiltisej se akajya pampa amo kichijki tlen kiijtoua ni tlanauatili, mochiuas ni:

1. Mosentilisej se keskij tlen tekij ipan Secretaría de Gobernación kej kiijtoua tlanauatili. Uan kitlatsakuiltisej ni maseuali kej kiijtosej nochi tlen mosentilisej ipan Secretaría de Gobernación.

2. Tekichiuanij kiiljuisej nopa maseuali tlake tlanauatili kiixpanok. Kema kimatiltisej ni, kiiljuisej kipia 15 tonali uan kej nopa yas kinitati nopa maseualmej tlen kiijtoua ipan fracción 1 tlen ni tlanauatili uan momanauti. Tlaj momanauis moneki kuali kinextis nelia tlen kiijtoua.

3. Kema panotos 15 tonali kej kiijtoua achtoui, ni maseualmej tlen tekij ipan Secretaría de Gobernación uan kipiaj tlanauatili ipan ni tlamantli, kiijtosej tlen tlake kichiuasej ika ni maseuali tlen amo kitlepanitak ni tlanauatili. Moneki kichiuasej ni, tlaj nopa maseuali yas momanauti o amo. Tlaj ni maseuali yas momanauti, moneki kitlakakilisej uan nojkia kikauasej ma kinexti tlaj nelia tlen kiijtoua.

TLANAUATILI 31.- Kema kitlalisej se tlatsakuiltili pampa amo kitlepanitaj ni tlanauatili, moneki kitlachilisej ni:

1. Tlen kichijki ni maseuali ika tlen kiixpanok ni tlanauatili, tlaj tlauei ueyi o tlauei amo kuali tlen kichijki.

2. Tlaj tlen kichijki nopa maseuali ueliskia kichiuas ma amo itstokaj ika tlayolseuilistli uan ma amo kuali itstokaj.

3. Tlaj kipia o amo kipia tomij uan keski xiuitl momachtik.

4. Tlaj ipa kiixpanotoya ni tlanauatili.

TLANAUATILI 32.- Kej kiijtoua tlatsintla, tekichiuanij uelis kintlatsakuiltisej nochi maseualmej tlen amo kineltokasej tlen kiijtoua ni tlanauatili. Kema tekichiuanij kichiuasej ni, kiitasej tlen kiijtoua ipan tlanauatili 31.

1. Apercibimiento. Ika se amatlajkuiloli, tekichiuanij kinmatiltisej ipan nopa religión o nopa maseuali ika tlake kiixpanok tlanauatili.

2. Uelis kininamasej 20.000 veces tlen kitlani se maseuali ipan se tonali ipan Distrito Federal.

3. Ayokmo kinkauasej ma monechikokaj kampa tlaueyichiuaj, uelis san se keski tonali o nochipa.

4. Tekichiuanij ayokmo kikauasej se religión ma kichiuas kej kiijtoua tlanauatili, se keski tonali o nochipa. Ni uelis kipanose se religión ipan nochi México, ipan san se estado, ipan san se municipio o ipan san se altepetl.

5. Kiixpolos kampa kiamajkuilojtokej kej se religión.

Katli tekitij ipan Secretaría de Gobernación kichiuasej nochi ni tlamantli kej kiijtoua achtouia, uan kichiuasej kej kiijtoua ipan tlanauatili 30.

Kema tekichuanij ayokmo kinkauasej tlen se religión ma mosentilikaj ipan se kali tlen iaxka México altepetl kampa kinkajtoyaj ma monechikokaj, uajka katli tekitij ipan Secretaría de Desarrollo Social kiijtosej tlake kichiuasej ika nopa kali. Uan katli tekitij ipan Secretaría de Desarrollo Social kichiuasej ni kej kiijtoua tlanauatili, uan moneki kichiuasej teipa kema ya kintlajtlanjtokej katli tekitij ipan Secretaría de Gobernación.

TLAXELOLI 2

Kema se religión tlajtlani ma moyankuili tlen ika kiijtokej kitlatsakuiltisej

TLANAUATILI 33.- Kema tekichuanij kiijtosej kenijkatsa kintlatsakuiltisej ipan se religión kej kiijtoua ni tlanauatili, uajka tlen ni religión uelis yasej ika tekichuanij uan tlajtlanitij ma kiyankuilikaj ni tlamantli tlen tekichuanij kiijtokej kinchiuilisej. Katli tekitij ipan Secretaría de Gobernación moneki kimatisej kenke katli itstokej ipan se religión tlajtlanj ma kiyankuilikaj ika tlen kiijtokej kintlatsakuiltisej. Ni tlen tlajtlanj katli itstokej ipan se religión, moneki kiijkuilosej ipan se amatl uan ma kinmakatij katli tekitij ipan Secretaría de Gobernación o nopa tekichuanij katli kiijtokej kenijkatsa kintlatsakuiltiskiaj ipan nopa religión kej kiijtoua ipan ni tlanauatili. Ipan nopa tonali kema kiijtokej kenijkatsa kintlatsakuiltiskiaj, kipiasej 20 tonali uan kej nopa tlajtlanjisej ma kiyankuilikaj ni tlamantli. Tlaj katli itstokej ipan ni religión kinmakasej ni amatl sekinok tekichuanij uan amo Secretaría de Gobernación, uajka ni tekichuanij kipiaj san matlaktli tonali kema kintitlanilisej ni amatl katli tekitij ipan Secretaría de Gobernación uan sekinok amatl tlen katli itstokej pan ni religión kinmaktilisej tekichuanij ika tlen momanauisej.

San katli itstokej ipan ni religión o nopa maseualmej tlen kinmakakej ni tlatsakuiltili, uelisej kintlajtlanjisej tekichuanij ma kiyankuilikaj ni tlamantli, uan moneki kiijtosej kenijkatsa kinchiuilisej tlen amo kuali.

TLANAUATILI 34.- Tekichuanij kitlachilisej tlen tlajtlanj ipan se religión. Tlaj kiitasej ya panok 20 tonali uan katli itstokej ipan ni religión amo tleno kichijtokej, tekichuanij ayokmo kisenkauasej ni kwalantli.

Tlaj ni amatl amo kuali kisenkajtokej, tekichuanij kiniljuisej ipan ni religión kipiaj matlaktli tonali uan kiampa ma kuali kisenkauakaj ininama. Tlaj ya panotos matlaktli tonali uan amo tleno kichijtokej, xitlauak kiniljuisej elis kejuak amo kema tlajtlanjkej ma kiyankuilikaj ni tlamantli.

Kema tekichuanij kitlachilisej tlen tlajtlanjkej katli itstokej ipan se religión, uelis kikauasej kej kiijtokej achtouia, uelis nojkia kichiuaskiaj ma ayokmo kipia ipati nopa amatl o uelis san se kentsi kiplatasej.

TLANAUATILI 35.- Tekichuanij kichiuasej se amatl kampa kiijtosej kena kitlachilisej uan kichiuasej tlen ni religión tlajtlani. Tekichuanij kiijtosej ipan nopa amatl, amo tleno ipati elis tlen kiijtokej kinchiuilisej ni religión kema kiyankuilisej ni tlamantli, ni mochiuas tlaj ni religión tlajtlani uan tlaj tlen kichijtok kena kinkaua ma kichiuakaj. Amo uelis kiijtosej amo tleno ipati tlen achtouia

kijtojkej kinchiuilisej ipan ni religión, tlaj kema kiyankuilisej ni tlamantli kinchiuilis tlen amo kuali sekinok maseualmej, o tlaj kichiuas ma ayokmo kineltokakaj tlanauatili o tlaj tlen achtoui kijtojkej kinchiuilisej ipan ni religión ya kisenkauas nopa kuesoli.

Tekichuanij uelis kijtosej amo kipia ipati tlen achtoui kijtojkej kinchiuilisej ipan se religión kema kiyankuilisej ni tlamantli. Uan tlaj ni tlamantli kinchiuilia tlen amo kuali sekinok maseualmej, uajka tekichuanij kijtosej keski tomij temakasej ipan nopa religión uan kej nopa kintlaxtlausej maseualmej tlen kinchiuilijkej tlen amo kuali, uan ni mochiuas tlaj tekichuanij kiitasej katli itstokej ipan nopa religión kena kichijtokej ni tlamantli uan kena kinchiuilijtokej sekinok tlen amo kuali.

TLANAUATILI 36.- Tlaj ipan ni tlanauatili amo kijtous kenijkatsa kisenkauasej se kuantli, uajka mochiuas tlen kijtous Código Federal de Procedimientos Civiles, uan ni mochiuas tlaj amo kiiixnamiki ni tlanauatili.

TLANAUATILI TLEN UELIS MOPATLAS

TLANAUATILI 1.- Ni tlanauatili nesis ipan **Diario Oficial de la Federación**. Uan peuas kitekiusej ipan seyok tonali kema nesis ni.

TLANAUATILI 2.- Ni tlanauatili ayokmo motekiuia: La ley Reglamentaria del Artículo 130 de la Constitución Federal, tlen neski ipan **Diario Oficial de la Federación** tonali 18 mestli enero xiuitl 1927; tlanauatili tlen eltok ipan Séptimo párrafo tlen Artículo 130 Constitucional, kampa kijtous keski tlakamej uelisej tekitisej kej sacerdotes ipan Distrito Federal o ipan Territorios Federales, tlen neski ipan **Diario Oficial de la Federación** tonali 30 mestli diciembre xiuitl 1931; tlanauatili tlen kipatla Código Penal para el Distrito Federal y Territorios Federales sobre delitos del fuero común uan ipan nochi México kema kiixpanoj tekichuanij inintlanauatiljuaj tlen tlanauatia ipan nochi México, tlen neski ipan **Diario Oficial de la Federación** tonali 2 mestli julio xiuitl 1926; tlanauatili kampa kijtous kema uelis tlajtlanisej ipan se amatl kinekij kimokuitlausej se kali kampa mosentilyaya uan tlaueyichiuayaya se religión uan ayokmo kitekiuiaj kampa tlamachtisej tlamantli tlen religión, tlen neski ipan **Diario Oficial de la Federación** tonali 31 mestli diciembre xiuitl 1931.

TLANAUATILI 3.- Ayokmo motekiuia ni tlanauatili: Ley de Nacionalización de Bienes, tlen tlanauatia ipan fracción 2 tlen Artículo 27 Constitucional. Ni tlanauatili neski ipan **Diario Oficial de la Federación** ipan tonali 31 mestli diciembre xiuitl 1940. Nojka ayokmo ipati sekinok tlanauatili tlen religiones katli kiiixnamikij ni tlanauatili tlen neski ipan ni amatl.

TLANAUATILI 4.- Nopa amatl tlen poliui mosenkauas kampa nesis sekij tlamantli tlen kipiaj religiones elis México iaxka, moneki kisenkauasej kej tlanauatia nopa Ley de Nacionalización de Bienes, tlen tlanauatia fracción 2 tlen Artículo 27 Constitucional. Ni tlanauatili neski ipan **Diario Oficial de la Federación** tonali 31 mestli diciembre xiuitl 1940.

TLANAUATILI 5.- Katli amo euaj México altepetl uan itstokej nikaj uan kipixtokej kuali iniama kej kijtous ipan tlanauatili, kema peuas tlanauatis ni tlanauatili tlen religiones, inijuantij uelis tekitisej kej tlayakananij kampa tlaueyichiuasej. Ijkino kichiuas ni, kema tekichuanij

kitlachilisej tlaj kuali kipixtokej ininama sejse inijuantij tlen kinkajtokej ma itstokaj nikaj México. Tlaj ni maseualmej kinekij tekitisej kej tlayakananij kampa tlaueyichiuaj, moneki kichiuasej se tlen ni ome tlamantli: ipan religión kampa itstokej moneki ma kinixmatikaj kej tlayakananij uan kiampa kiamaijkuilosej kema ipan Secretaría de Gobernación tlajtlanisej o sekinok tlayakananij tlen ininreligión ma tematiltikaj ipan Secretaría de Gobernación, inijuantij tlayakanaj ipan ininreligión.

TLANAUATILI 6.- Tlamantli tlen iaxka México uan tlen nama nojua kitekiuiaj religiones kema tlaueyichiuaj, nojua uelis kitekiuisej kampa tlaueyichiuasej. Uan tlaj nojua kinekij kitekiuisej, religiones moneki yasej iniixpa tekichuanij uan tlajtlanisej ma kinamatlalikaj kej religiones uan moneki amo ma kikauakaj panos se xiuitl kema peuas tekitis ni tlanauatili.

TLANAUATILI 7.- Ika ininama kampa tlajtlanij ma kinamaijkuilokaj kej religión, nojkia moneki tematiltisej tlake tlamantli kipiaj uan tlen moiljuiaj kiijtosej kipiaj ipan ininreligión.

Teipa kema ipan se religión kiselisej nopa amatl kampa nesi moamaijkuilojtok kej se religión, katli tekitij ipan Secretaría de Gobernación kipiasej chikuasej mestli uan kej nopa kinmakasej se amatl tlen itoka declaratoria general de procedencia, san moneki kichiuasej kej kiijtoua ipan ni tlanauatili tlen kinyakana religiones. Nochi tlamantli tlen ipan se religión kinekisej kipiasej teipa kema ya moamaijkuilojtosej kej religión moneki kipixtosej ni amatl tlen itoka declaratoria de procedencia kej kiijtoua tlanauatili 17.

México, D.F., tonali 13 tlen mestli julio xiuitl 1992.- Diputado **Gustavo Carbajal Moreno**, Presidente.- Senador **Manuel Aguilera Gómez**, Presidente.- Diputado **Jaime Rodríguez Calderón**, Secretario.- Senador **Oscar Ramírez Mijares**, Secretario.- Firmas.”

Na nitemaka ni tlanauatili uan kiampa ma mochiua tlen kiijtoua ipan fracción 1, Artículo 89 ipan Constitución Política de los Estados Unidos Mexicanos, uan kej nopa ma nochi maseualmej ma kimatikaj uan ma kichiuakaj. Uan ni nitemaka kampa tekichiu Presidente nikaj México, ipan México altepetl, Distrito Federal, tonali 14 mestli julio xiuitl 1992. **Carlos Salinas de Gortari**.- Firma.- El Secretario de Gobernación.- **Fernando Gutiérrez Barrios**.- Firma.

TLANAUATILI TLEN AMO NOCHIPA ELTOS UAN TLEN UELIS MOPATLAS

Tlanauatili tlen mopatlas uan kitlalilisej ipan tlanauatili 8 ipan Tlanauatili tlen nochi religiones moneki ma kineltokakaj kema mosentilisej uan tlaueyichiuasej

Neski ipan Diario Oficial de la Federación tonali 24 mestli abril xiuitl 2006.

TLANAUATILI IYOJTSI.- Kitlalilijkej fracción 3 ipan tlanauatili 8 ipan Tlanauatili tlen nochi religiones moneki ma kineltokakaj kema mosentilisej uan tlaueyichiuasej. Nama kiijtoua:

TLANAUATILI TLEN UELIS MOPATLAS

IYOJTSI.- Ni tlanauatili peuas motekiuus ipan seyok tonali kema nesis ipan Diario Oficial de la Federación.

México, D.F., tonali 21 mestli febrero xiuitl 2006.- Diputada **Marcela González Salas P.**, Presidenta.- Senador **Enrique Jackson Ramírez**, Presidente.- Diputado **Marcos Morales Torres**, Secretario.- Senadora **Sara I. Castellanos Cortés**, Secretaría.- Firmas.”

Na nitemaka ni tlanauatili uan kiampa ma mochiua tlen kiijtoua ipan fracción 1, Artículo 89 ipan Constitución Política de los Estados Unidos Mexicanos uan kej nopa ma kimatikaj uan ma kichiuakaj. Uan ni nitemaka kampa tekichiu Presidente nikaj México, ipan México altepetl, Distrito Federal, tonali 18 mestli abril xiuitl 2006. **Vicente Fox Quesada**.- Firma.- El Secretario de Gobernación.- **Carlos María Abascal Carranza**.- Firma.